



Imlitir 0040/2011

D'Údaráis Bainistíochta na mBunscoileanna, na Meánscoileanna, na Scoileanna Pobail agus Cuimsitheacha agus d'Ard-Oifigigh Feidhmiúcháin na gCoistí Gairmoideachais

Scálaí Nua Pá do Cheapacháin Nua Múinteoireachta sa bhliain 2011

Réamhfhocal

1. Is mian leis an Aire Oideachais agus Scileanna feidhmiú na rátaí athbhreithnithe de thuarastail agus de liúntais le haghaidh ceapachán nua múinteoireachta ón 1ú Eanáir amach a chur in iúl do na coistí gairmoideachais, do na comhlachtaí bainistíochta agus do na múinteoirí.
2. Mar chuid de Bhuiséad na Bliana 2011 tá laghdú de 10% curtha i bhfeidhm ag an Rialtas ar phá na n-iontrálacha nua sa seirbhís phoiblí (ar a dtugtar “ceapacháin nua” san imlitir seo) agus ní foláir do gach ceapachán nua sna gráid iontrála sa tseirbhís phoiblí tosú ar an gcéad phointe den scála ábhartha, le héifeacht ón 1ú Eanáir 2011.

Feidhmiú na rátaí nua pá.

3. Baineann an laghdú de 10% leis an mbun-phá, leis na liúntais agus le íocaíochtaí maoirseachta agus ionadaíochta.

(a) Bun-Phá:

Baineann an laghdú 10% leis an mbun-phá ar gach phointe den scála incriminteach tuarastail. Tá laghdú déanta ar rátaí lae agus uaire i gcomhair múinteoirí ócáideacha agus neamh-ócáideacha in earnáil na mbunscoileanna agus laghdú déanta ar na rátaí uaire i gcomhair múinteoirí in earnáil na n-iar-bhunscoileanna freisin. Tá na rátaí athbhreithnithe léirithe san Aguisín a ghabhann leis an Imlitir seo agus is féidir teacht orthu má dhéantar cliceáil [anseo](#).

(b) Liúntais:

Baineann an laghdú 10% freisin le gach liúntas, cé is moite le liúntais ardaithe céim, is é sin dualgais speisialta, príomh-oide cúnta, leas-phríomh-oide, agus liúntais príomh-oide.

Ceapacháin nua múinteoireachta

4. Baineann na rátaí pá nua le gach múinteoir nua a cheaptar ar an 1ú Eanáir 2011 nó ina dhiaidh sin.

5. Sa chás má tá seirbhís tugtha ag daoine i bpost múinteoireachta den chineál céanna roimh 1ú Eanáir 2011 (lena n-áirítear daoine a bhfuil saoire neamhláithreachta faofa dóibh faoi láthair) ní áireofar iadsan mar cheapachán nua. Fairis sin, má tá tairiscint fostaíochta faighte i scríbhinn ag duine roimh 1ú Eanáir 2011 ní mheasfar an duine sin mar cheapachán nua. Sna cásanna sin, cuirfear an duine faoin scála agus faoi na liúntais ábhartha a bhí i bhfeidhm roimh 1ú Eanáir 2011, agus beidh cibé creidmheas incriminteach dlite a mheasfar a bheith ábhartha le haghaidh taithí faofa múinteoireachta nó neamh-mhúinteoireacha.
6. Má fhillteann múinteoir atá ar scor, agus ag tarraingt pinsin, ar an múinteoireacht ar an 1ú Eanáir 2011, nó ina dhiaidh, tosóidh eisean/ise ar an gcéad phointe den scála incriminteach tuarastail atá i bhfeidhm tar éis 1ú Eanáir 2011.

Creidmheas incriminteach

7. Tosóidh gach ceapachán nua múinteoireachta ar an gcéad phointe den scála incriminteach tuarastail atá i bhfeidhm i ndiaidh 1ú Eanáir 2011. Tá cinneadh déanta ag an Rialtas go dtosóidh gach duine a nua-cheapfar ar ghrád iontrála ar an mbunphointe den scála nua laghdaithe (faoi réir an chritéir atá léirithe thuas).
8. Mar sin féin, tharlódh go leanfaí le creidmheas incriminteach i gcomhair seirbhíse aitheanta ábhartha (mar shampla seirbhís mhúinteoireachta ábhartha, aitheanta i mBallstát eile den AE). Ar an dóigh chéanna, má fhágann daoine an córas tig leo seirbhís ábhartha den chineál sin a áireamh ar theacht ar ais dóibh.

Cur Timpeall

9. Déantar deimhin de go gcuirtear cóipeanna den Imlitir seo chuig an mBord Bainistíochta / chuig an gCoiste Gairmoideachais agus go dtarraingítear aird gach mhúinteora atá fostaite agaibh ar a bhfuil inti, lena n-áirítear daoine atá ar saoire neamhláithreachta.
10. Is féidir an Imlitir seo a léamh freisin ar shuíomh gréasáin na Roinne faoi <http://www.education.ie>.
11. Ba chóir fiosrúchán ar bith maidir leis an Imlitir seo a chur ar ríomhphost go dtí teachersna@education.gov.ie **NÓ GO DTÍ** payroll@education.gov.ie.

Dalton Tattan
Príomh-Oifigeach
Tearmaí agus Coinníollacha
Múinteoirí/Cúntóirí Riachanas Speisialta
Meitheamh 2011

Padraig Maloney
Príomh-Oifigeach, Pá-Ro
Pá-Rolla
Meitheamh 2011

Aguisín I
Scálaí Pá do nua-cheapacháin a ceapadh ar 1ú Eanáir 2011 nó ina dhiaidh

BUN-SCÁLA COITEANN MÚINTEOIRÍ

1	€ 27,814
2	€ 28,775
3	€ 29,737
4	€ 30,702
5	€ 32,198
6	€ 33,168
7	€ 34,136
8	€ 36,576
9	€ 37,795
10	€ 39,251
11	€ 40,700
12	€ 42,160
13	€ 43,380
14	€ 44,996
15	€ 44,996
16	€ 44,996
17	€ 47,225
18	€ 47,225
19	€ 47,225
20	€ 47,225
21	€ 50,170
22	€ 50,170
23	€ 50,170
24	€ 50,170
25	€ 53,423

CÁILÍOCHTAÍ ACADÚLA

1. (a) (i) ATO (Pas)	€ 532
(ii) Ard-Teastas Froebel	€ 532
(b) (i) ATO (1ú nó 2ú Onór.)	€ 1,112
(ii) Ard-Teastas Gaeilge	€ 1,112
(c) Bun-Chéim (Pas)	€ 1,658
(d) Máistreacht trí Thráchtas nó Scrúdú (Pas)	€ 4,426
(e) Bun-Chéim (1ú nó 2ú Onór.)	€ 4,426
(f) Máistreacht (1ú nó 2ú Onór.)	€ 4,946
(g) Doctúireacht	€ 5,526

Ní féidir ach ceann amháin de na liúntais ag (a) nó (b) a choinneáil i bhfochair ceann amháin de na liúntais (c) go (g).

2. (i) *An Teastas i dTeagasc na Gaeilge le honoracha	€ 3,850
(ii) *Ard-Teastas in Oideachas (1ú nó 2ú Onór.)	€ 3,850
(iii) *Bun-Chéim (Pas), i bhfochair trí bhliana ar a laghad de thaithí fhaofa i dtráchtáil, i dtionscal, nó i bhfostaíocht fhaofa eile.	€ 3,850

*In-íoctha ach amháin le múinteoirí a raibh liúntas de £110 á fháil acu (roimh Iúil 1968) agus nach rabhadar cáilithe i gcomhair liúntas níos airde ag 1. thuas.

(iv) Dioplóma Múinteoirí na mBodhar Dioplóma Múinteoirí na nDall	€ 2,193
---	---------

**Dioplóma Múinteoirí na bPáistí
le Míchumas Intinne nó Coirp.**

LIÚNTAIS EILE

1. Múinteoirí Tuatheolaíochta (le haghaidh imeachtaí oideachais a eagrú agus a fhorbairt lasmuigh de theagasc foirmiúil an ranga)	€ 1,658
2. Múinteoirí Taistil Eolaíochta Baile	€ 1,658
3. Múineadh trí Ghaeilge	€ 1,424
4. Deontas Gaeltachta, in-íochta le múinteoirí sa Ghaeltacht, cé is moite de dhaoine a fhaigheann liúntas atá cothrom le 10% den scála tuarastail.	€ 2,757
5. Liúntas Oileáin	€ 1,658
6. Liúntas Speisialta a íoctar le múinteoirí i Scoileanna Coimsitheacha	€ 2,224

Ráta Múinteoirí Neamh-thraenáilte

Z01	€ 24,619
Liúntas Múinteoirí as ucht 35 bliana de sheirbhís	€ 2,091

Liúntas in-íoctha le múinteoirí i Seirbhís na bPríosún

Airgead Oinigh	€ 4,296
-----------------------	----------------

LIÚNTAIS DE BHARR A BHEITH AR IASACHT

AICME 2	€ 15,143
----------------	-----------------

AICME 3	€ 11,831
----------------	-----------------

AICME 4	€ 9,117
----------------	----------------

Liúntas in-íoctha le múinteoirí na bprintíseach i gCoistí Ghairmoideachais Dhún Laoghaire agus Co. Chorcaí.	€ 8,766
--	----------------

Liúntas Aonaid Daingin/ Liúntas Ógánaigh Shuaith-intinnigh 100%	€ 1,976
--	----------------

**Rátaí pá uaire agus lae do mhúinteoirí páirtaimsearhta
agus ionadaíochta.**

Ráta lae bunscoile, ócáideach (múinteoir cáilithe)	€164.26
---	----------------

Ráta lae bunscoile (neamh-cháilithe)	€115.12
---	----------------

Ráta uaire bunscoile (neamh-cháilithe)	€26.07
---	---------------

Ráta uaire iar-bhunscoile (cáilithe)	€40.10
---	---------------

Ráta uaire iar-bhunscoile (neamh-cháilithe)	€36.76
--	---------------

Maoirseacht agus Ionadaíocht

Ráta uaire	€43.04
-------------------	---------------

Aguisín II

Ceisteanna Coitianta

Is múinteoir nua-cháilithe mé agus níor oibrigh mé riamh mar ionadaí mhúinteora – Cén scála pá a bheadh agam ag tosú?

Ní áireofar mar réamh-sheirbhís chun críche cáilitheachta le haghaidh pá scálaí réamh-2011 ach amháin i leith seirbhíse a tugadh i bpost múinteoireacht roimh an 1ú Eanáir 2011. Mura raibh seirbhís agat i bpost múinteoireachta roimh 1ú Eanáir 2011 (agus ionadaíocht san áireamh) is faoi na coinníollacha nua a ofrálfar conradh duit. Ní thig leat creidmheas incriminteach a fháil as ucht aon traenála a fuair tú roimh theacht isteach sa mhúinteoireacht duit.

Is múinteoir mé agus bhí mé ag obair in Éirinn mar ionadaí mhúinteora sa bhliain 2001, ach is sa Ríocht Aontaithe a chaith mé na blianta ina dhiaidh sin. – Cén scála pá a bheadh agam ag tosú?

D'oibrigh tú i bpost múinteoireachta roimh 1ú Eanáir 2011. Dá bhrí sin ofrálfar conradh duit faoi na rátaí pá agus coinníollacha roimh 2011. Áireofar chun críche creidmheasa incrimintigh cibé seirbhís a thug tú mar mhúinteoir cáilithe agus cláraithe sa Ríocht Aontaithe.

Is múinteoir mé a bhí ag obair san AE le roinnt blianta anuas. Ní raibh post múinteoireachta roimhe seo agam sa tseirbhís phoiblí in Éirinn ach tá mé le tosú i Mí na Bealtaine 2011 – Cén scála pá a bheadh agam ag tosú?

Is ceapachán nua sa mhúinteoireacht tú. Tosóidh tú ar an gcéad phointe den scála pá Eanáir 2011. Faoi réir coinníollacha áirithe, áirítear seirbhís aitheanta mhúinteoireachta i dtír eile roimh iontráil sa mhúinteoireacht in Éirinn.

Is múinteoir cáilithe agus cláraithe mé agus tá taithí roimhe seo agam mar Léachtóir san earnáil phoiblí – Cén scála pá a bheadh agam ag tosú?

Is nua-cheapachán múinteoireachta tú. Dá bhrí sin ofrálfar conradh duit ar an gcéad phointe de phá-rátaí agus coinníollacha Eanáir 2011. Baineann seo freisin le múinteoirí atá ag aistriú chun dul i mbun post eile (cur i gcás mar Chúntóirí Riachtanas Speisialta, riarthóirí srl). Tharlódh go mbeifeá i dteideal creidmheasa incrimintigh áirithe de dheasca na seirbhíse léachtóireachta atá tugtha agat.

Bhí mé fostaithe mar mhúinteoir san earnáil phríobháideach le 5 bhliana anuas. Tosóidh mé ag múineadh san earnáil phoiblí i Mí na Bealtaine 2011. Cén tuarastal a gheobhaidh mé mar thosú?

Is nua-cheapachán múinteoireachta tú de réir chinnidh dhéanaigh an Rialtais. Dá bhrí sin ofrálfar conradh duit ar an gcéad phointe de phá-rátaí agus coinníollacha Eanáir 2011. Tharlódh go mbeifeá i dteideal creidmheas incriminteach a fháil faoi réir coinníollacha áirithe.

Is múinteoir mé agus bhí mé fostaithe faoi Choiste Gairmoideachais ó Mí Dheiridh Fómhair 2005 i leith. Tá mé ag súil le múinteoireacht a fháil i Meánscoil Dheonach i Mí Dheiridh Fómhair 2011. Cén scála tuarastal a thabharfar dom ag tosú?

D'oibrigh tú i bpost múinteoireachta roimh an 1ú Eanáir 2011. Dá bhrí sin, má fhilleann tú ar an múinteoireacht i meánscoil dheonach i Mí Dheiridh Fómhair 2011, ofrálfar conradh duit faoi na rátaí pá agus coinníollach a bhí i bhfeidhm roimh 2011. Áireofar chun críche creidmheasa incrimintigh an tseirbhís atá tugtha agat leis an gCoiste Gairmoideachais mar mhúinteoir cáilithe agus cláraithe.